



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA

QUOD LIBETARIIS DISPUTATIONIBUS

manè discutienda in Scholis Medicorum, die Jovis vigesimâ
mensis Decembris Anno Domini M. DCC. LXXXI.

M. JOSEPHO PHILIP, Saluberrimæ Facultatis Decano,
Doctore Medico, Præside*.

Utrum in Pleuritide sanguis mittendus è brachio lateris affecti?

I.

SI non unicum, saltè præstantissimum est inflammationis remedium
venæ sectio. Hanc igitur sibi vindicat vera genuinaque Pleuritis.
Quotquot sunt melioris notæ Arabes, Græci, Latini, & cujuslibet Gen-
tis & ævi Medici, præcipuum illius curationis cardinem in sanguinis
missione collocant, non neglectis tamen plurimis aliis auxiliis quorum
enumeratio in præsentî foret intempestiva. At verò quonam in brachio

* Autore & proponente, ann. 1763.

A

vena tundenda sit, an in brachio dolentis vel sani lateris, non idem est eorum consensus. E directo Græci cum *HIPPOCRATE*, *Galeno*, *Celso*, horumque doctrinæ cultoribus, ex opposito Arabes cum *Aræto*, *Avicenna*, *Celsio Aureliano*, sanguinem detrahendum volunt. Recentior hæc opinio Græcorum præceptis diu prævaluit. Revera quidem ab octavo sæculo usque ad decimum sextum, idèoque per octingentos annos, omnes fere Medici in Pleuritide venam secure in brachio lateri dolenti opposito. Sed in eunte sæculo decimo sexto, detectâ jam arte Typographica, *HIPPOCRATIS* & *Galeni* opera primum Typis mandata, dein publicè lecta & commentariis à perillustribus Medicis, potissimum Parisiensibus, audita fuere, tuncque venæ sectio in affecto latere fautores pariter obtinuit. Utrique brevi incaluerunt animi, acerrimèque sunt præliati. Mirati licet quot & quanti viri in disputantium gregem abierint. Ex iis sæculi decimi sexti Medicis qui hæc difficultatem agitaverint, primus omnium extitit *Petrus Brissotus* quem *Schola Parisiensis habuit Doctorem eximium. Explofis Arabum libris, quædam *Galeni* volumina publicè legi & interpretatus est; & cum Græcorum placita de instituendâ in brachio lateris afflicti venæ secti one Doctori nostro plurimum arriserint, contra vulgatiorem opinionem rectum animum tenere, & à recepto dudum more recedere primus ausus fuit. Is itaque Arabum desertor ad castra Græcorum se recepit & cum illis mittendum esse in Pleuritide sanguinem è brachio lateris affecti ratione & experientiâ comprobavit (a).

* Anno. 1516.

(a) Vid. libr. de missione sanguinis in pleuritide Auctore Renato Moreau, D. M. P.

Vid. etiam dissertationem apologeticam Peri Brissoti ad Dionysium Medicum de sanguinis detractatione.

Non abs re circâ has lites movenda quæstio videtur, cum plurimi sint melioris notæ Medici qui neutram partem sibi eligentes, in alterutro latere Phlebotomiam indiscriminatim celebrent. Post enim inventum sanguinis circuitum novâ quasi caligine medentium oculos perstrinxit error, ita ut quonam ex brachio sanguis mittendus esset, dummodo sufficienti copia mitteretur, parvi vel nihili referre, consensu satis unanimi, opinati sint; dum alii in Arabum hæresi perseverantes, ex opposito parti dolenti sanguinem educunt. In hac opinione diversitate potiorem suadebimus venæ sectionem quâ citius tutiusque Pleuritis solvetur.

II.

NON solum de secandæ venæ delectu, sed etiam de Pleuritidis sede inter auctores disceptatur. Quoties autem cum pulsu duro aderit febris acuta continua inflammatoria, Dyspnœa, tussis molesta, dolor lateris punctioris in inspiratu augefcens, veram genuinamque fidenter affirmaveris Pleuritidem, quæ humida si una cum his symptomatibus sputa prodeant, sicca verò dicitur & aque peioris est ominis, quando non prodeunt sputa. Opus est autem, inquit *Aræteus*, omnia hæc inter se consonare atque conspirare ab una causâ pendentia. Quotquot enim ex his alia ab aliâ causâ proveniunt, etsi omnia simul congruunt, Pleuritis non vocatur (a). His positis exquisitâ correptum Pleuritide intueamur. Jacet jam affixus lecto qui pridie firmis lateribus & athletico habitu durissimos labores exantlabat. Scintillant oculi, rubescunt genæ, sitis adurit, lingua exarescit nec dat nisi tremula & intersecta verba. Interno externoque totus depascitur igne; urentem veluti ex fornacis camino expirat altitum; à frequen-

(a) De causâ & signis morborum auctor. lib. 1. cap. X.

tissimâ & ineluctabili tussiendo necessitate ingeminant cruciatus. Lateri dolenti accumbit miser premittique lectum doloris, ut pondere corporis veluti fasciâ circumligatum latus, minus atrociter doleat. Si inspiret, torquetur, si non inspiret, suffocatur. Inter utrumque anxius, liberali aëris uisurâ aut lubens sibi interdicit, aut invitatus, renovato ad plenioris inspirationis nixum dolore convellitur. Ex iis tamen Pleuritidis legitimæ phænomenis, ipsius sedes non designatur. Hanc *Celsius Aurelianus* (b), & plures antiqui Medici post HIPPOCRATEM, tum in pleurâ, tum in pulmone reposuerunt. Fatendum quidem est, cum pleura pulmonem obvestiat, sæpissimè adjunctam esse Pleuritidi Peripneumoniam. Cum verò dolor lateris sit individuus Pleuritidis comes; cum sæpissimè inflammetur hæc pleuræ appendix quæ pulmonum tunica est, etiam absente lateris dolore; cumque nunquam latus doleat, vigente licet febre acurâ, nisi portio pleuræ costas succingens aut musculi intercostales aut ambo simul inflammatione laborent, Pleuritidis sedem in membranâ costas succingente & in musculis intercostalibus cum *Galeno* collocamus. Variis tamen tincta coloribus sputa, quorum in Pleuritide tanti momenti est effluxus, ad eam quadantenus videntur adducere opinionem quâ pulmones non minus quam pleuram Pleuritidis sedem esse contendunt. Talis verò est inter pleuram, musculos intercostales ipsumque pulmonem, per nervos & vasa consensus, ut obstructis vel inflammatione correptis pleuræ aut musculorum intercostalium vasis & nervis, nihilominus facili concipi possit quomodo ad pulmonem fiat affluxus humoris istius, qui in Pleuritide sputa constituit. Numquid enim arteriæ propriæ pulmonum, bronchiales scilicet, artieriarum intercostalium foveles suat (c)? Numquid vel ad minimam nervorum intercostalium titillationem convelluntur fibræ musculares pulmonum, sicuti vel ad levissimam in nervis tracheæ arteriæ impressionem convelluntur musculi respirationis? Numquid tandem liquores injecti ab amplissimo Archiatrorum summi Pontificis olim Præfule *Lancisio* in truncum venarum intercostalium inferiorum, id est in venam *azygos*, redeunt per tracheam arteriam? Ut ut sit, siue in membranâ costas succingente, siue in musculis intercostalibus, siue in utriusque simul niduletur Pleuritis, primum in sanguinis missione quærendum est remedium. Constat enim dolorem intolerabilem in ipsomet instanti quo sanguis de corpore manat, aut sæpè destrui aut magnoperè sublevari. Quoniam alio potissimum medio haud cunctanter febris urens exstingueretur; difficilis, anhelosa, tussiculosa respiratio expeditior fieret; molesta & dolorifica tussis compesceretur; pungens sedaretur dolor? Quoniam alio potissimum medio sputa uberius faciliusque provocarentur; cruditas humoris in ultimis vasorum diverticulis cespitantis aut extra vasa inter musculorum intercostalium tabulata vel inter hoiæ musculos & pleuram effusi, ad felicem coctionem resolutionemque perduceretur? Nonne imminutâ sanguinis mole pacatur solidorum Erethismus, laxatur vasorum restrictio, panduntur venarum resorbentium officina, infringitur humorum deviantium impetus? At *occasio præceps*. Seligenda igitur est sanguinis missio quæ à latere sano mali labem averiat, humorisque lateris affecti vasa infarciens coctioni resolutionique saveat. Cum enim Pleuritis sit periculosissimus morbus, nec cunctatoris moras ullo modo patiatur, sed in novissima mala prioribus pejora bre-

(b) Acur, morb.
lib. II, cap. XVI.

(c) Oriuntur
etiam à truncu
aorte descend.

4
vissimè degenerare abeat, si feignioribus armis debelletur; omnibus idcirco sanguinis evacuationibus hæc erit anteposenda quæ naturæ laboranti tutius citiusque opitulabitur.

I I I.

PAUCISSIMAS agnoscit legitima Pleuritis causas quas non habet cum inflammatione communes. Ipsamet sanguinis inflammatoria *Dia- phesis* inter primarias recensenda est. Ex quo Sydenhamus, Pleuritidem nihil aliud esse quam febrem à propria & peculiari sanguinis inflammatione ortam, quæ naturâ materiem peccantem in pleuram deponit, nonnumquam & in pulmones, unde Peripneumonia suboritur, quam à priori gradu tantum & pro majore ejusdem causæ intentione, extentuque latiori differre autumat (a). Præterea vitiosa partium thoracem constituentium compages, vasa præter naturam angustiora, aër frigidus Austrino subito succedens & calenti corpori circumfusius, potus gelidus subito ingestus, musculorum respiratori in- ventium perpetua officia, nixus quos exigunt diversa vitæ munia, arteriarum à thoracis externis, à mammariis internis, ab intercostalibus superioribus & inferioribus, à diaphragmaticis numerus ingens, pressio pulmonum tempore expirationis in venam *aëygos* quæ venarum intercostalium truncus est, metastases, &c. sunt totidem causæ quibus ad thoracem speciatim determinatur inflammatoria sanguinis spiritus. Ad idem omnino sunt Pleuritidis ac inflammationis excitus. Omnium porro maximè optabilis erit ille qui *resolutio* Medicis vocatur aut saltem congesti humoris concoctio. Alterutram aut utramque simul ne quis se credat assecutum, nisi sanguinem congestum meabiliorum & minus acrem reddat, obstructaque vasa referet.

Qui Arterum vestigia premunt, censent, idem in distanti loco venam esse incidendam, ut sanguis à morbi sede revellatur. At quid inde non redundat nocivi? Nonne materies morbifica à priori sede partim dimota, ad aliam derivatur? Quid igitur eveniet, si in pulmonum substantiam mali labes exoneretur? Quid, si in latus sanum, ut frequentius debet contingere? Nonne duplici sic efformatâ Pleuritide de ægrotante penè conclamatum est? Cum enim intempestivâ derivatione in lateris sani musculos novæ desinant inflammati sanguinis undæ, jam non absolvitur respiratio ad vitam necessaria & omnia in pejus ruunt.

Qui medium Græcos inter & Arabes tenent, nec ad revellendum nec ad derivandum, sed ad imminuendam exuberantem sanguinis molem allaborant. Nec minus culpanda est eorum indifferentia. Medicus enim, ut jam diximus, eam debet seligere evacuationis speciem quæ certiora, citioraque præbet auxilia. Pluribus viis itur ad sanitatem; brevissima verò unica est & huic præsertim insistendum. Porro indicationi adversatur qui ex opposito sanguinem mittit. Nonne in idem Arabum incurrit vitium quo mali labes dolenti hærens lateri, in sanum latus vel refunditur vel potest refundi? Metuendum profectò est, ne dum titubantia sub mole movendorum inflammata vasa, quaquaversus ubi minor est resistentia, exitialem sarcinam deponere gestiunt, uberior per venæ sectionem ex opposito in subclaviam arteriam sanam, in mammariam, in intercostalem superiorem, in thoracicas externas sani lateris, inflammati sanguinis affluxus

(a) Seco. vi.
cap. III.

determinetur. Tunc enim æstuantis sanguinis molecularum quæ continuâ & ineffabili serie devchebantur ad affectum latus, abruptitur filum & ex in latus sanum tumultuatim ruunt; nec tamen ideò expeditur latus affectum. Quibusnam tunc præsidii & lateri prius dolenti & lateri recens inflammato succurretur? Moribundus æger, duplici Pleuritide vexatus, solo potest diaphragmate respirare. Hinc deficientibus inspirationis & expirationis organis, sanguine obruuntur pulmones, venæ cavæ turgent, respuuntque à venâ ægygos delatum sanguinem. Hinc sanguini ex venis intercostalibus & mammariis reduci totus aut pro majori parte præcluditur exitus. Nullus jam resolutioni, coctionique aditus patet. Anxietate summâ torquetur æger propter sanguinem in utrâque venâ cavâ, in auriculâ dextrâ & in dextro cordis atrio collectum. Pulsus fit frequentissimus, vacillans, debilis ab impedito sanguinis transfluxu ex arteriarum pulmonalium ramis in pulmonalium venarum ramos, & subito lethalis subnascitur peripneumonia. Pessimè igitur ægrotant s saluti consulitur, si sanguis in Pleuritide ex opposito latere mittatur. Nonne ideò præstantior erit è directo sanguinis missio, quâ respirationis organis lateris saniprospicitur, resolutioni coctioni que humoris tutius faveatur, citiusque ægrotantes ex morbo convalescunt, ut ex praxi comprobatur.

I V.

VASORUM sanguiferorum distributiones quarum ope venæ sectionis effectum erga peculiare quæque partes enodatio tentaretur, rationesque ab hydraulicis legibus petitas, quibus sententia nostra de directâ sanguinis missione stabiliretur enarrare longius foret. Nuspiam inflammatio videtur adesse nisi in arteriis quibuslibet. Nec mirum si venas plerumque expertes & liberas agnoscamus. Ex angustâ ad latam diametrum jugiter progrediente sanguine, inflammatoriam congestionem in venis vix unquam posse fieri censemus; nisi loca ubi venæ minimæ in truncos venosos abeunt, majoribus obicibus eodem occupentur tempore quo inflammatione corripiuntur arteriæ. Cum autem ex extremis arteriarum capillamentis, sanguis in venarum cavo deponatur, nonne sequitur ut à propioris affectæ parti venæ sectione, sanguini congesto meabilitas, vasisque obstructis tonus amissus promptius reddatur? Et revera hæc evacuatione detrahuntur columnæ sanguinæ quæ sanguini in inflammatis arteriis congesto ponunt obices, quibus sublati sanguis à tergo pulsus à vasorum vinculis & inflammatâ sede facilis recedet. Equidem per directam in Pleuritide venæ sectionem non evacuatür sanguis inter locum inflammatum & cor contentus, quod fateamur ultro; sed 1°. evacuatür vena subclavia lateris affecti, ac proinde vena intercostalis superior, & venæ thoracicæ externæ ejusdem lateris sanguinem facilius exonerant in subclaviam quæ minus resistit. 2°. Non derivatur sanguis in latus sanum à cuius actione tunc temporis pendet ægrotantis vita. Verùm in obscuris opporunè affulget fax experientiæ quæ semper est ratione potior. In gravi diuturnaque ophthalmiâ nonne felici cum successu temporibus palpebrarumque

vicinis admoventur hirudines? Nonne & tumidis hæmorrhoidibus applicantur, dum quidam abdominalium viscerum infarctus referendus venit (a)? Num etiam faustè jugularis vena tunditur ad solvendas pertinaces sanguinis in cerebro congestiones (b)? Sic pariter in pleuritide à directâ sanguinis in cerebro congestione promptior fiet. Nec in afferendis probationibus hærebimus incerti. Primam desumemus è vitâ (c) *Brissoni*, utpote primi Neotericorum directæ sanguinis missionis in Pleuritide præconis. *Periculossimis Pleuritidibus anno 1515 & 1516 circa tractum Parisensem grassantibus, emissus exercendæ Medi. inæ gratiâ in proxima suburbia juvenis quidam BRISOTTI familiaris & auditor, Pleuriticis omnibus venam è directo secuit tam leto successu ut omnes ad unum pristinâ sanitati restituerit, plurimis eorum aut morientibus aut longo tempore languentibus, quibus ex opposito brachio sanguinis eductio præscripta fuisset. Recentissimè suis observationibus eandem sententiam stabilivit Trillerus (d). Pulcherrimè, inquit Doctissimus Van Swieten, hæc omnia notabili exemplo confirmantur (à Trillero), dum in binis juvenibus, idem vitæ genus ducentibus, eodem temporis puncto, & ob easdem causas Pleuritide correptis, experimenti gratiâ vena aperiebatur. Ille cui vena in brachio lateris affecti aperta fuit, licet pessimè deliraret, brevi ad se rediit, nec iteratâ venæ sectione opus habuit. Alter cui & major copia sanguinis ex pde epuslem lateris ducta fuerat, nullum inde levamen sensit, & sequenti die à terâ venæ sectione in brachio lateris affecti opus habuit, unde illic mitigabantur omnia symptomata & postea felici crisi liberatus fuit à periculoso morbo sed biduo serius quam prior (e). Has autem observationes iterum atque iterum confirmatas fuisse compertum est. Sequentes propriâ manu collectas hic opportune memoramus. Mulieri trigennariæ, in octavo graviditatis mense, Pleuritide verâ correptæ oclies missus fuerat sanguis, dolore tamen semper superstitè. At hirudinum parti dolenti applicatione brevi siluit, proleque suam debito tempore mulier peperit. Vir triginta trium annorum natus legitimâ pariter laborans Pleuritide, sanguinis missionem decies passus erat. Febris quidem mitigabantur, sed eodem tenore miserum ægrotantem excruciat dolor punctorius, quem repetita hirudinum dolenti lateri admosio feliciter compevit. Similem hirudinum applicationis effectum in pertinacibus Pleuriticis doloribus a se pluries observatum esse M^o. Bertin*, D. M. P. narravit Clarissimus D. du Bois, Collegii Medicorum Rhedonensium Decanus & supremæ Curæ Aremoricae Medicus. Quin imò in ipsâmet Pleuritide, emplastrum epipasticum parti dolenti applicati vidit & ipse jussit illustrissimus Imperatricis Augustissimæ Archiatrorum Antistes (f). Nonne faustus exitus has secutus est operationes, quia talis evacuatio est directâ magis quam ab ipsomet brachio affecti lateris? Præterea sententiæ nostræ suffragatur recentissima Pleuritidem sanandi Neotericorum & antiquissimorum Medicorum methodus, quæ magnam adscribit curationis partem fomentis, inunctionibus, cataplasmatibus, laxantibus emplastris morbofo lateri applicandis, quibus omnibus ad affectum locum major videtur determinari fluidorum copia. Sedulâ igitur omnium inquisitione, abundè patet venam in brachio Pleuriticis lateris esse incidendam, quippe citius tutiusque quam ex opposito sanguinis missio, Pleuritidem curat.*

(a) Vid. Egre-
giam thes. M.
J. B. Lud. Cho-
mel, antiq. Fa-
cult. Decan. An
tumidis hæm-
orrhoidibus hirudi-
nes? 1750.

(b) Vid. Nume-
rosam thes. M.
Hyacin. Theod.
Baron, antiq.
Facult. Decan.
An solvendis per-
tinacibus sangui-
nis in cerebro
congestionibus ju-
gularis venæ sec-
tio? 1734.

(c) Antioch. Re-
naud Moreau,
D. M. P.

(d) Comment.
de Pleuritide.

(e) Comment.
in Aph. Boerh.
tom. III. §. 850.

* P. xlii anno
1763.

(f) Gerardus
Van Swieten, in
Comment. Apho-
rist. tom. III.

E Venâ capiori, amplâ aperturâ, mittendum esse sanguinem & quidem non modicè, primis potissimum diebus, nostratum Medicorum unanimis fere est acclamatio. Parciores sunt sanguinis in Pleuritide Græci, Arabes, Latini, Septentrionalisque Medici. Diversitatem excitavere diversa vitæ regula, diversa temperies, inopia experimentorum apud Antiquos, ignorata sanguinis circulatio. Arduum certè nec satis tutum foret absolutam sanguinis educendi, fixis terminis, exprimere quantitatem; quæ pro diversâ symptomatum sævitie, pro ætate, regione, tempestate, temperamento, sexu, consuetudine, prægresso sex rerum non naturalium usu debet esse varia. In genere tamen ægrotantium saluti citius tutiusque consulit, qui liberali & prudenti, quàm qui pariori dosi sanguinem detrahendum jubet; ut ratione & quotidianâ experientiâ confirmatur. *Sydenhamus* in primo morbi insultu sanguinem ad uncias x in adultis mitti præcipiebat. Nec hærebat in hac primâ evacuatione. Observat anim veram Pleuritidem in adultis rarè minorè quàm xl unciarum sanguinis impensâ sanari (a). Quin imò, si symptomata pertinaciter sæviant, si augeatur eorumdem sævities; si sopita violentiùs recrudescant, largiore & quidem largissimâ manu fundendum esse sanguinem nos docet clinica observatio. At profectò errant qui mittendum esse sanguinem opinantur, donec coriacea crusta rubræ sanguinis placente super-expanfa evanuerit. Præter-quàm quod enim crusta hæc polyposa in sanorum sanguine quandoque apparet, totus ad ultimas usque uncias latice purpureo exhauriretur æger, nec tamen nudum cruorem crusta linqueret. Hoc suadet intuitus sanguinis qui post sæpè repetitas venæ sectiones crustâ illâ densiori, crassiorique nonnumquam obducit. Nec magis credendum præcepto quod venæ sectionem post quartum, quintum, sextumve diem nobis interdiceret. Sapientior nobis videtur regula quæ sanguinis missionem institutendam præscribit, quocumque tempore symptomata sæviant & vires acquirant eundo. Nihilominus tamen si post quartum, quintum, vel ad summum sextum diem in robustioribus, symptomatum sævities in decursu morbi dumtaxat de novo sanguinem mittendi necessitatem imponat, tunc certè parçâ dosi, singulâ quâque vice sanguis est detrahendus & inter unamquamque evacuationem sufficiens distantia debet intercedere, ut oleosæ totius corporis pinguedinis molecule inflammationis igne liquefactæ & in sanguinis alveo refluxæ, juscula, torbitiones demulcentes, diluentes, &c. ad idoneum gradum vasa distendant, ne ab evacuationibus sanguinis sibi celerius succedentibus, cordis vasorumque vires concidant. Nec magis tuti esset illa lex quæ sanguinem iterum mittendum esse, etiam post pluries institutam venæ sectionem decerneret, quandiu superest durities in pulsu. Tunc enim attendendum magnopere ad numerum prægressarum evacuationum, considerandumque est attentissimâ manû an sanguinis columna quæ repellit explorantis digitum, sufficientis diametri sit, ut tutò imminui queat. Abroganda pariter nobis videtur præscriptio quæ, applicatis vesicatoriis, ab omni sanguinis evacuatione abstinendum esse suaderet, si præsertim antè vesicantium applicationem, venæ sectiones pluries celebratæ non fuissent. Superfedendum judicamus si angustissima exiguissimaque sanguinis

(a) Sect. VI.
csp. III.

extracti rubra placentula in copiosissimo fero innatet. Superfedendum tandem si in suppuratum res abierint. Nec ideo culpandi sunt externarum gentium Medici, quod multo citius à sanguinis missione abstineant. Vicitus enim tenuissimus quem ægrotantibus suadent, novi sanguinis generationi apprimè obstat. Qualiscumque verò sit numerus ad quem promovendæ sunt venæ sectiones, eæ semper in brachio lateris affecti sunt celebrandæ, ut superius probatum fuit. Antiquam & gravem objectionem tortasse quidam refutabunt, insurgentque adversus directam venæ sectionem quod plus ad inflammatam partem trahatur, quàm ab eadem detrahatur. At non qui ad partem appellit sed qui in eâ hærens congeritur, sanguis inflammationem efficit. Directâ autem illius missione, vacuatâ venâ subclaviâ, nonne san vis ex venâ *azygos*, ex inammatiâ, ex thoracis, ex intercostali superiore quasi attrahetur & exlugetur? Porro quædam in proximo paragrapho retulimus observata quibus certatim confirmatur nostra thesis. Qui plura desiderabit, HIPPOCRATEM (b), *Galenum* (c) *Orisabium* (d), *Celsum* (e) adeat. Ne verò extrâ Scholæ Parisiensis limites divagemur; *Fernelium* (f), *Hollerium* (g), *Duretum* (h), *Riolanum* patrem (i), *Simonem Pietreum* (k), *Riolanum* filium (l), consulamus & nullus amplius erit dubitandi locus. His rationum momentis, observationibus, autoritatibusque devincti in conclusionem rapimur.

Ergo in Pleuritide sanguis mittendus è brachio lateris affecti.

DOMINI DOCTORES DISPUTATURI,

(b) Lib. 4. de vicissitat. in acut. part. 73.

(c) Comment. lib. 4. de vicissitat. in acut. part. 73.

Item. lib. de curandi rat. per sanguinis missionem, cap. 14, 15, 16 & 18.

(d) Lib. 1. Symp. nos. cap. 10.

(e) Medic. lib. 2. cap. 10.

(f) Lib. 2. method. medendi. cap. 5 & 7.

(g) Lib. 1. de morb. inter. cap. 26.

(h) Enarrat. in cap. 26. lib. 1. *Hollerii* demorb. inter. 1514.

(i) Method. part. 1. mod. d. inter. 1514.

(k) Epist. ad Cl. M. Guerinum Med. Paris. script. anno 1514.

(l) Anthropol. lib. 3. cap. 8.

M. Bertrandus DUPUY.

M. Joannes COLOMBIER.

M. Joannes - Carolus DESSARTZ, antiquæ Facultatis Decanus, Regii Medicorum Collegii Lugdunensis Socius.

M. Ludovicus-Alexander de CÉZAN.

M. Joannes-Baptista LANGLOIS.

M. Henricus RALMOND.

M. Jacobus GOURLEZ DE LA MOTTE.

M. Simon-Antonius BRINGAUD.

M. Claudius Josephus GENTIL, Militarium Nosocomiorum ad Regis exercitum Medicus.

Proponerat Parisiis NICOLAUS-FRANCISCUS LAVERNE, Catalaunus, Saluberr. Facultatis Medicinæ Parisiensis Baccalaureus, A. R. S. H. 1781. AB HORA OCTVA AD MERIDIEM.